

四庫全書

集部

欽定四庫全書

集部

御定歷代賦彙卷二十五

詳校官檢討臣劉 炳

主事銜臣徐以坤覆勘

總校官編修臣王燕緒

校對官中書臣嵇承志

謄錄監生臣秦聯登

欽定四庫全書

御定歷代賦彙卷二十五

地理

江賦

晉

郭璞

咨五才之並用實水德之靈長惟岷山之導江初發源
乎濫觴聿經始於洛汭攬萬川乎巴梁衝巫峽以迅激
濟江津而起漲極泓量而海運狀滔天以淼茫總括漢
泗兼包淮湘并吞沅澧汲引沮漳源二分於岨峽流九

派乎潯陽鼓洪濤於赤岸淪餘波乎柴桑網絡羣流商
摧涓澮表神委於江都混流宗而東會注五湖以漫漭
灌三江而瀚沛瀉汗六州之域經營炎景之外所以作
限於華裔壯天地之嶮介呼吸萬里吐納靈潮自然往
復或夕或朝激逸勢以前驅乃鼓怒而作濤峨嶠為泉
陽之揭玉壘作東別之標衡霍磊落以連鎖巫廬鬼窟
而比嶠協靈通氣漬薄相陶流風蒸雷騰虹揚霄出信
陽而長邁淙大壑興沃焦若乃巴東之峽夏后䟽鑿絕

岸萬丈壁立輟駁虎牙嵒豎以屹崿荆門關竦而盤礴
圓淵九迴以懸騰湓流雷响而電激駭浪暴灑驚波飛
薄迅濩增澆湧湍疊躍砢巖鼓作瀚渚榮潏潏湔潏
潰濩泯泯滴湟湟決滌潤澗淪漩深榮潏潏湔潏湔
減濩湏龍鱗結絡碧沙遺漚而往來巨石砢砢以前却
潛演之所汨湓奔溜之所磳錯厓隄為之泐崿礚嶺為
之崿崿幽澗積岨砢礚礚礚若乃曾潭之府靈湖之淵
澄澹汪洸廣混困泣泓沅洞潏潏鄰圃潏混瀚灝渙流

映揚媚溟濛渺沔汙汙汙汙察之無象尋之無邊氣滃
渟以霧杳時鬱律其如煙類胚渾之未凝象太極之構
天長波決漂峻湍崔嵬盤渦谷轉凌濤山頽陽侯礮礮
以岸起洪瀾浣演而雲迴沄淪滾滾乍沓乍堆礮如地
裂豁若天開觸曲崖以縈繞駭崩浪而相礮鼓唇窟以
湍渤乃湓湧而駕隈魚則江豚海狶叔鮪王鱣鯨鯢
魴鮪鯢鯢或鹿駝象鼻或虎狀龍顏鱗甲錐錯煥爛
錦斑揚鰭掉尾噴浪飛涎排流呼哈隨波游延或曝采

以晃淵或嚇鰓乎巖間介鯨乘濤以出入鰈鯢順時而
往還爾其水物怪錯則有潛鵠魚牛虎蛟鈎蛇蜃蜃蟹
蝟鱗鼇鼉魔玉珧海月土肉石華三蛟蚌江鵲螺蛭蝸
璅蛞腹蟹水母目鰕紫蚘如渠洪蚶專車瓊蚌晞曜以
瑩珠石蚌應節而揚葩蜃蠃森哀以垂翅玄螭蠅礫而
礪礪或泛激於潮波或混淪乎泥沙若乃龍鯉一角奇
鴈九頭有鼈三足有龜六眸賴螭躡躍而吐璣文魃磬
鳴以孕珍條螭拂翼而掣耀神蛟蜃蜃以沉遊駢馬騰

波以噓蹠水兕雷咆乎陽侯淵客築室於巖底鮫人構
館於懸流電布餘糧星離沙鏡青綸競糾縛組爭映紫
菜熒暉以叢被綠苔鬚髯乎研上石帆蒙籠以蓋嶼萍
實時出而漂泳其下則金礦丹礫雲精燭銀瑤珞璿瑰
水碧潛瑤鳴石列於陽渚浮磬肆乎陰濱或頽彩輕連
或焞曜崖鄰林無不溽岸無不津其羽族也則有晨鵠
天雞鸛鷖鷗馱陽鳥爰翔於以玄月千類萬聲自相喧
聒濯翮疏風鼓翅翮毳揮弄灑珠拊拂瀑沫集若霞布

散如雲豁產氈積羽往來勃碣檣杞煜薄於潯溪栲櫟
森嶺而羅峰桃枝貧簪實繁有叢葭蒲雲蔓櫻以蘭紅
揚眇眇擢紫茸蔭潭隩被長江繁蔚芳薜隱藹水松涯
灌芊蕖潛蒼蔥龍鯪鮪踦踞於垠隰獮獺睽眇乎登空
迅雉臨虛以騁巧孤攫登危而雍容變拓翹踈於夕陽
鴛鴦弄翮乎山東因歧成渚觸澗開渠漱壑生浦區別
作湖磴之以潔瀼瀼之以尾閭標之以翠翳泛之以遊
菰播匪藝之芒種挺自然之嘉蔬鱗被菱荷櫟布水蓂

翹莖漢蕊濯穎散襄隨風猗萎與波潭沲流光潛映景
炎霞火其旁則有雲夢雷池彭蠡青草具區洮潏朱瀝
丹淥極望數百沆瀣晶熒爰有包山洞庭巴陵地道潛
遶旁通幽岫窈窕金精玉英瑱其裏瑤珠怪石絳其表
驪虬縈其址稍雲冠其嶸海童之所巡遊琴高之所靈
矯冰夷倚浪以傲睨江妃含顰而睇眇撫凌波而鳬躍
吸翠霞而夭矯若乃宇宙澄寂八風不翔舟子於是搨
櫂涉人於是櫟榜漂飛雲運餘艗舳舻相屬萬里連檣

沂洄沿流或漁或商赴交益投幽浪竭南極窮東荒爾
乃緡零稜於清旭覘五兩之動靜長風颺以增扇廣莫
颺而氣整徐而不颺疾而不猛鼓帆迅越超漲截河凌
波縱柁電往杳溟靄如晨霞孤征眇若雲翼絕嶺倏忽
數百千里俄頃飛廉無以晞其踪渠黃不能企其景於
是蘆人漁子擯落江山衣則羽褐食惟蔬鱸柁澱為泮
夾漈羅荃筍瀝連鋒曾鼉比船或揮輪於懸碕或中瀨
而橫旋忽忘夕而宵歸詠采菱以叩船傲自足於一軀

尋風波以窮年爾乃域之以盤巖豁之以洞壑疏之以
沍汜鼓之以朝夕川流之所歸湊雲霧之所蒸液珍怪
之所化產瑰奇之所窟宅納隱淪之列真挺異人乎精
魄播靈潤於千里越岱宗之觸石及其譎變儵恍符祥
非一動應無方感事而出經紀天地錯綜入術妙不可
盡之於言事不可窮之於筆若乃岷精垂曜於東井陽
侯遯形乎大波奇相得道而宅神乃協靈爽於湘娥駭
黃龍之負舟識伯禹之仰嗟壯荆飛之擒蛟終成氣乎

太阿悍要離之圖慶在中流而推戈悲靈均之任石歎
漁父之櫂歌想周穆之濟師驅八駿於鼃鼃感交甫之
喪珮慙神使之嬰羅煥大塊之流形混萬盡於一科保
不虧而永固稟元氣於靈和考川瀆之妙觀實莫著於
江河

長江賦

宋 李 觀

臣聞養萬物者惟地之大水居其上則地不能載以觸
以鬻以斷以掘深或無底遠或幾千萬里則江之為水

臣不得而計之矣蜀焉我頂吳焉我腹淮我之腋海我
之足朝谿暮谷刮骨磨肉委之填之而莫飽其欲萬山
崔崔將裏將束如兒童之見奔馬縮頭斂手避路而躑
躑時清氣和無濤無波千丈一席可眠可歌變動頃刻
四天怒色凶煙暴雲對面漆黑誰為風師誰為水伯不
軌不法無別無識風兮何聲水兮何形前雷後霆冰堆
雪層操舟之老尚不能自保況乃遠而行客孰不椎心
而太息出如登山入如沉泉退無所止進不得前龍螭

蛇鼃固執殺生之權鰕蟹瑣瑣猶或賈勇而爭先嗟乎
生之難成之難父母君師之所愛而託命於其間幸而
免者蓋有之矣不幸而死者何可勝紀魚腹未消鰲聲
相繼豈非利欲之牽人而危亡之不避揚荆巴蜀交廣
甌閩地有常產物有常珍衣者食者器者玩者歌童舞
女詭異妖冶官所不取則掠之私舍孰賢孰才貪哉鄙
哉重裝疊載踰江越淮然則視長鯨之怒東海不啻如
蟻蠊之浮杯嗚呼山川之阻土地之富天下有道則王

之外府天下無道則姦雄所處蓋足於財用而利於守禦故周之衰也有吳有楚漢之亂也曰策曰權琅琊因之以建大號劉裕得之以入中原道成蕭衍迄於霸先自取自守人誰敢言赤壁之敗曹操壽春之走苻堅雖歷數之有在亦事勢之使然及夫孫皓之虐叔寶之昏而後能滅焉勞乎哉經幾代而幾年臣聞周書曰制治於未亂保邦於未危陰陽有消長日月有蔽虧在乎備之得所則禍何能為伏惟國家重西北而輕東南臣何

以知之彼之官也特舉此之官也累資斂於此則莫知其竭輸於彼則惟恐不支官以資則庸人並進斂之竭則民業多隳為貪為暴為寒為飢如是而不為盜賊臣不知其所歸夏內也為腹心疏逖外也為手足輕重之理豈神明之所不燭秦備胡而陳勝起事唐戍蠻而龐勛肆毒觀其土崩之由誠可為之痛哭古者有采詩之官惟賦亦古詩之流賦臣不獲言於朝敢賦心之憂愁安得為太平之草木蒙雨露兮千秋

長江天塹賦

明鄭棠

惟淮海之東南設長江之天塹王氣肇於閔嬴都邑作
於吳甸吞若雲夢者九灌注天下之半勃興六代之搶
攘凌轢八州之雄戰遼層城之千雉環帶甲之百萬武
取威以定霸文膺圖以傳禪雖鼎立一隅之尊亦朝集
遐拜之獻美哉乎其山河鞏固夫其藩翰也觀其用武
強兵遏徐併荆眇絕驕子威懾戎秦舳艫繇亘旌旆雲
屯風聲之洶湧波濤之沸騰赤壁以火炬而捷公山以

草木為兵虜騎飲流而莫渡胡塵望洋而吞聲矧縫囊
之兒戲與投鞭之蟻爭河南之斂戍劔閣之連營俟冰
合其何有竟逡巡而無成彼偏霸之節制亦地險其丘
陵我朝受命龍興荆蠻是膺雷厲而風飛山搖而海傾
叱咤而五湖浪擊指顧則魚龍震驚一僕姑而江漢披
靡一戎衣而四方底寧陳三策之斯得嗟五餌之何能
張王綱於海浦埽穹廬於邊廷同文軌而王會舞干羽
而修文因龍蟠而奠服就虎踞而作京陋前王之制度

開萬世之泰平今其風恬浪靜商舶漁槳擢謳互答檣
帆來往沿汭洄而絡繹泛煙波之下上千艘運夫舳艫
萬斯溢其庾帑近賈川益遠市交廣莫不倚浪以傲睨
臨流以機榜時清俗夷以遨以嬉桂楫蘭舟左圖右書
蕩鏡淨之素練無烽燧之鼓鼙彼中流之擊楫與橫槳
之賦詩皆煙盡而灰滅形絕而影希想鐵鎖之截浪彼
狂童其何知驅鼃鼃之八駿濟師其奚為視疇昔之鼎
沸幸今際夫雍熙覽形勝之如在慨風景之屢移豈非

得士者善守恃險者喪謀金湯之固廟廊之籌長城之
禦才略之求夫何大風霸心之存乎安而不忘危也

涉江賦

晉庾闡

發中州之曲沔背石頭之巖岨遡晨風而遙邁乘濤波
而容與於是時也夕日將昏天吳駭陽侯奔漂海若泛
江豚爾乃雲霧勃起風流溷淆排巖拒瀨觸石興濤澎
湃洗溁鬱怒咆哮迴連波以岳墜壑后土而川宵總百
川之殊勢集朝宗乎滄浪注天波於析木激東極乎扶

桑體含弘而彌泰道謙尊而逾光齊山海以比量冠百
谷而稱王此則水之勢也且夫山川瓌怪水物含靈鱗
千其族羽萬其名毛羣詭觀倮類殊形明月晞光以夕
耀金沙逐波而吐瑛撫楫中流汨徂西土過乎歷陽之
津迄乎橫江之浦若乃越三江之下口眇濡須以逕渡
邈天險之遐勢歷習坎之重固川瀆泓澄以含景山水
泝瀧而鱗布

涉江賦

有序

明
趙東曦

夫惟攄宏抱者依戀乎闕庭息丘園者放情於江海僕
以樗材早登仕籍遂游閑越歷中州眺山川之雄奇玩
風物之秀爽時或探幽攬勝瀟灑有出塵之思政成謬
膺內召旋入諫垣惓款之誠不自遏抑一言擯斥左調
南旋驅車寂寞之濱稅駕大江之側臨流問渡極目洪
波對此茫茫百感交集檢點奚囊離騷一卷而已慨然
有懷乃以涉江命篇其辭曰

惟長江之浩淼恍浴日而浮天溯發源於岷山環蜀都

而滌旋瀉萬里而東下驚雪卷而雲連流潯陽之九派
絡淮漢而經百川閱興亡之餘恨聲鳴咽而悲憐數星
馳而電閃思英風之渺然見滔滔之莫挽勢澎湃而無
邊試停驂以懷古心猶豫而不前涉中流以一葉頻來
往乎風煙於是緬想生平仰追先哲抗志立名懷清履
潔馳驅皇路策名天闕專城出宰冰壺砥節在閩則憑
山負海東南都會水碧峰丹春和日麗肴珍海錯枝垂
鮮荔訪武夷之幽渺尋鍾南之勝地俯桃梅之二溪拂

榴花之雲氣在越則登釣臺擢巖灘四山環列絕巘層
巒蘭陰石樓赤松方巖泉石清曠洞壑迴環聳懸崖於
千尺聽溪聲之潺湲在洛則黃河繞其北嵩岳峙其南
規模洞達體勢中涵襟瀍帶澗土沃泉甘洵東都之神
麗若玉韞而珠含嗟吾生之閱歷兮時執掌其不遑非
王事之艱難兮何定省之靡常豈好爵之櫻情兮逞遨
遊於四方彼游子之去國兮尚悲思夫故鄉予二人之
眷眷兮忍長辭夫高堂念君親之罔報兮每耿耿而難

忘痛終天之莫贖兮，迫哀鳴其何及。夫既以身許人兮，
恐勲名之不立。感日月之如流兮，慨百年之瞬息。被榮
寵之殊遇兮，儼入侍乎君側。渺予懷之湛憂兮，豈寒蟬
之斂翼。媿同朝之唯唯兮，予不忍為此嘿嘿。朝奉詔而
趨朝兮，夕拜疏乎楓宸。凜先民之古處兮，思仰答乎國
恩。秉堅貞而不改兮，奚傍徨而逡巡。况乃權璫受任，持
節視師。置酒高會，負弩奔馳。耀錦繡於戎行，擁旌旄於
邊陲。債帥為之懾息，將士任其指揮。夫兵事者，宗社之

安危也賞罰者一人之明威也夫何寄耳目於刑餘竊
國柄以驕侈視逢迎為進退炫金玉以高卑予仰天而
太息兮夜躊躇而不寐愴烽煙之四起兮慮朝綱之日
墜鑒古今之喪亂兮半紛紛於宦豎身與世而相違兮
撫中心其如醉苟改絃而易轍兮雖九死其奚悔爰書
思而草奏兮瀝肝膽以陳詞予非不知讒邪之蔽明兮
矢方正以自持捐此身如鴻毛兮指重泉以為期稟前
人之遺訓兮冀先靈之有知惟時俗之不我諒兮同列

謂予以沽名鋒太剛而必折兮歲冉冉而無成世溷濁而不返兮何口舌之力爭予聞言而歎歔兮中鬱悵而難明矢素心之不昧兮抱拳拳之微情夫豈好為此迂拙兮批逆鱗以傷生蒙君王之宥過兮作天涯之逐客辭掖垣而長征兮戀九閭其咫尺膏吾車於周道兮秣吾馬於江干命僕夫以前驅兮拂清風之戒寒奄鄉園之在望兮震江濤之渺漫心怛怛而舒嘯兮仰君門於萬里陟高岡以登眺兮聊徘徊而延佇氣蕭颯而悲涼

兮志幽愁而誰語或告予以兩美之終合兮惜同心之
無侶潏秋水之蒹葭兮懷佳人乎江之湄我所思兮不
可即擬溯洄以從之將南游乎夢澤旋放櫂乎瀟湘擷
澧蘭與沅芷延幽賞於孤芳揚洞庭之微波弔湘君之
渺茫訪三閭之遺跡徒愴怛而悲傷爾乃探巫峽下瞿
塘越巴陵釣滄浪浮彭蠡泛鄱陽窮俯仰於天地憑上
下以徜徉放浪乎層峰之巔翱翔乎水雲之鄉領清風
於明月散造化之文章乃與騷人逸士悲歌磊落託興

煙霞逍遙林壑倚岳陽之層樓上滕王之高閣閱江漢
之清流噴廬山之飛瀑或且順流千里畫艇紅簾迴小
孤之夕陽凝大別之晴煙蘆荻蕭騷以紛糅征鴻嘹唳
以煩冤懷壯心其不已吾將排青雲而問天聽琵琶於
江上忽涕泗而流連若夫石頭虎踞牛首煙寒潮生揚
子月冷鍾山問繁華於六代覺星散而雲殘唯江山之
如故留勝蹟以追攀於是游思域外馳情物表曠宇宙
之奇觀悔逃名之不早變微禽於淮海悲吾生之將老

洋洋乎縱壑之魚飄飄乎入林之鳥想遺世而獨立驂
雲鸞於蓬島覓勾漏於丹砂鬱琪花與瑤草凌八荒以
周流兮謝塵氛之雜沓襲芰荷之清芬兮佩瓊瑤之明
潔彼遭逢之不偶兮閱千古其一轍非誠懷之潛通兮
恐方圓之難合屈平貽笑於漁父兮賈生矢志於長沙
老英雄於草澤兮流荏苒之年華雖主聽之不聰兮情
悱惻而纏綿寧藏器以待時兮安吾命以樂天奚憤時
而嫉俗兮乃抱恨以沉淵矧洛陽之年少兮爍光芒之

盡吐激中腸以痛哭兮歷稱今而道古才震世而不用
兮負聖明之知遇累歎舊之盈廷兮曾不足乎一顧珠
暗投而按劍兮女入宮而見妒予翻然而徹悟兮心懷
憂而不傷披春風之澹蕩兮迎秋月之輝光垂釣於五
湖之濱兮置身於千仞之岡睠予美而不言兮疇唱予
而和汝握芳蘭之濯濯兮羞衆草之為伍世共悅夫紛
華兮予豈媯然而媚嫵望長安於天末兮悵浮雲於日
暮

臨楚江賦

齊謝朓

爰自山南薄暮江潭滔滔積水裊裊霜嵐憂與憂兮竟
無際客之行兮歲已嚴爾乃雲沉四岫風蕩中川馳波
鬱素駭浪浮天明沙宿莽石路相懸於是霧隱行雁霜
眇虛林迢迢落景萬里生陰冽攢笳兮極浦弭蘭鷁兮
江潯奉玉樽之未暮餐勝賞之芳音願希光兮秋月庶
永照於遺簪

鑿二江賦

有序

宋狄遵度

予始至蜀詢諸古之賢於蜀有功者以為無出文翁上者於是作石室賦已而復聞有李侯者於蜀有大功焉二人者用力於民雖有勞逸然參其功亦其等耳於是又為之賦鑿二江使蜀之民知蜀之所以為蜀皆二公之力乎

嗚呼吾聞魚鳧氏以降秦太守之前蜀之為國知幾千萬年方二江之害被茲土以禹之功不是施兮嗟後來亦奚言彼民之昏溺兮無乃得之於天不能遷土而改

宅兮其流漂亦誰冤勁崖挺以中亞兮激狂瀾而右旋
橫驚折走莫知其所之兮吼穹谷而下穿蛟鼉魚鼈呀
以相濡兮何允蠹而緣延嘬膚吮血沸以咀嚼兮咸飫
腐而飽臙萑蒲菱芡紛以相被兮汙百頃之良田土不
藝而民無所食兮孰與奏其艱鮮民之害固不可終極
兮歷百千萬世天乃授之以賢曰噫中國之無人遂使
民至於此焉天之生斯民兮故使之食飽而居安降巨
蓄以漂之兮天之意不然水之性固就下善利兮決之

則宣濬九州而距四海亦奚艱且九載之孜孜民不憚
苦而訴煩蓋因利而為利兮勞之在先不忍一勤其力
兮乃至驚萬世而害弗捐胡不浚發其利源剗削其害
根巨崖剖以罅裂兮蒼顏乾而陷坤怒石奮以交墜兮
吁電走而雷奔蕩重淵以傾覆兮喪百怪之精魂雲轉
霧溢盤薄蹙蹙兮注壑於其間寂寥散漫肆以長往兮
若氣散於垓渾決其餘以旁溉兮居其側數百頃皆膏
腴之上珍民降丘而下宅兮若蟻聚而蜂屯則幾年幾

世之積害一日刷去兮不啻捐芥而蕩塵嗚呼蜀之為國非地之中宜乎夷貊之雜處魚鼈之與同有李侯者至然後別類於水物有文翁者至然後同俗於華風然則今所棟宇而處衣冠而嬉皆二公之所翳若李侯者事固所莫得而繼彼文翁之教亦何憚而弗為嗚呼以禹之功至大至神括六合以橫被疇有存而勿論胡茲為害獨不得聞無乃力所不洎兮抑亦遺其功於後人而今而後乃知民未得所欲事或有不利先世所未暇

除去聖人所未及裁制苟有志於生民皆吾人之所事
若曰茲事體大必聖人而後為則小子也不敢與知

松江賦

宋程俱

鷗夷子皮既棄越相乘扁舟攜西子泝東流方將家五
湖以長邁屣萬鍾而不留放若巨魚縱大壑脫若六驥
馳坦道而挾輕轡時則八荒收雲千里一碧狂瀾不興
遠岫凝色目盡意往雲天出沒引風檣以悲嘯趣煙波
而不極於是遇亡是叟而問津焉曰三江之湊實為五

湖地脈四達行爲松江洶洶渾渾溶溶洋洋孤岑連嶂
七十有二眇若散螺黛於微茫五湖之中大曰包山風
穴晝暝霜林夏寒暮煙屯其疊翠冬實纍其錯丹麟鶴
之所憩蛟鼉之所淵山中之人忘世與年條桑縹緲之
下採石明月之灣草衣木茹泊若追羲盤而與還江流
之窮是則歸墟王百谷於一吸環齊州於一區大鵬奮
翅於泱泱燭龍洗光於咸虞由江而下二百餘里布帆
無恙尚可以朝海門而暮方壺雖然善賈者據其會善

搏者扼其吭方趣南則遺北既畫圓而失方今子將攬
衆物之會莫若遐觀乎中央惟是江湖之接二州相望
散荒墟於垤塊識斷岸於毫芒常試與子至中流而四
顧陰霾鬱興不辨雲水天高日出萬頃在目者五湖也
岡岫相屬如走如伏冥濛突兀乍見乍失者包山也擁
松江之上流窮海道於一葦時矯首而斯盡固可以訪
漁樵而種魴鯉亦優游而卒歲矣吾子以為何如子皮
曰然務外游者有待樂內觀者無窮吾方以日月為燭

六合為宮參天地以為友從四海之諸公乘雲氣御飛
龍指包山於遺礫視五湖於一鍾松江之勝又安能芥
蒂於胷中乎

松江秋汎賦

宋 葉清臣

澤國秋晴天高水平遙山晚碧別浦寒清循遊具區之
野縱汎吳松之濡東瞰滄海西瞻洞庭槁葉微下斜陽
半明樵風歸兮自朝暮汐溜滿兮誰送迎浩霜空兮一
色橫霽色兮千名於是積潦未收長江無際澄瀾方傾

扁舟獨詣社橘初黃汀葭餘翠驚鷺朋飛別鵠孤唼聽
漁糧之遞響聞牧笛之長吹既覽物以放懷亦思人而
結歡若夫敵寇初平霸圖方盛均憂待濟同安則病魚
貪餌而登釣鹿走險而忘命一旦辭祿揚舲高泳功崇
不居名存斯令達識先明孤風孰競又若金耀不融洛
塵其蒙宗城寡扞王國爭雄拂衣客右振擢江東拖翠
綸子波上膾蟬翼兮拌中儻即時之有適遑我後之為
恫至如著書笠澤端居甫里兩漿汀洲片帆煙水夕醉

酒壚朝盤魚市浮游塵外之物嘯傲人間之世富詞客
之多才劇騷人之清思緬三子之芳徽諒隨時之有宜
非才高見棄於榮路乃道大不容於禍機申屠臨河而
蹈壅伯夷登山而食薇皆有為而然爾豈得已而用之
別有執簡仙瀛持荷帝柱晨韜史氏之筆暮握使臣之
斧登覽有澄清之心臨遣動光華之賦荷從欲之流慈
慰遠游之以懼肇提封之所履屬方割之此憂將濬䟽
於滙川其拯濟乎吟疇轉白鶴之新渚據青龍之上游

濯埃垢於緇袂刮病膜乎昏眸左引任公之釣右援仲
由之桴思勤官而裕民迺善利之遠猷彼全身以遠害
蓋孔臧於自謀鮮鱗在俎真茶滿甌少迴俗士之駕亦
未可為茲江之羞

浙江賦

元 沈 幹

鴻濛分鼇極立五行生水居一藐東南之海隅湧大川
之洋溢此浙江之所以氣象宏偉不可得而具述也一
擢遊覽爰求其源黃山屹然其下為泉初焉渺渺已而

繇繇會東陽之別派暨大永之清漣合衆流而共趨羌
脈絡其聯延歷延陵而為七里之瀨注錢塘而涵萬頃
之天浩蕩瀾漫澎湃汨滴接海氣兮浮乾坤吐天光兮
吞日月薄霧朝歛滄波鏡明長風莫興巨浪山立魚龍
或變而或化蛟鼉乍出而乍沒千艘蚊聚萬舶雲集簇
沙際之牙檣舞潮頭之畫鷁萃山海之羣珍致川陸之
百物使三吳之富甲於天下者實此江之力也朝焉而
潮夕焉而汐海門喧萬鼓之聲江面亘一絲之力銀山

嵯峨雪屋突兀見者目悸聞者股栗乃有輕儇之童街
耀其術蹙鯨浪以爭趨舞紅綃而特出輕性命於毫毛
駭觀瞻於倏忽此浙江之異景而百川不能與為儔匹
也奔流滔滔如怒如號胥也何勇寄遺憤於驚濤鏐也
何智表一矢以著勞英雄千古陳迹寂寥而此江之水
閱今昔猶一朝話未竟客有謂予曰美哉禹功無往弗
施浙水何為禹貢則遺水經所載原委無疑以漸為浙
誰其易之蓋書法所略者由不費禹功疏鑿之所致而

名水之有異者庸詎非文字訛舛之所為吾黨之士見一物而必格恥一事之不知詎可不究夫此江事迹於往者而使詫此江景物於一時也哉賦者於是作而謝喜而歌曰越山查鵲兮吳山嵯峨中有巨川兮與海通波書固略之予水志豈訛考輿圖而稽故迹兮亘千古而不磨

觀濤賦

晉
顧凱之

臨浙江以北眷壯滄海之宏流水無涯而合岸山孤映

而若浮既藏珍而納景且激波而揚濤其中則有珊瑚
明月石帆瑤瑛彫鱗采介特種奇名崩壑填壑傾堆漸
隅岑有積螺嶺有懸魚模茲濤之為體亦崇廣而宏浚
形無常而參神斯必來以知信勢剛凌以周威質柔弱
以協順

浙江觀潮賦

明
黃尊素

吳公子過武林當八月十八日油壁接軫繡屨盈途員
冠戎如大裙襜如士女皆觀潮而出城郭為之空虛主

人謂公子曰此枚乘所謂怪異詭觀也盍與子偕往乎
至則錦帳翠幕山韜路織歌吹沸天紅紫錯烏波影山
光攪雜彩為一色其時纖塵不起水平如鏡渡頭往來
漁歌答應車牛方喘於轉轂畫鷁初間而下矧破江干
之士女既不異鷗鴈之翔沙而衆口之喧囂又何如鷺
鷺之亂聽逮至審時定候日影已高遙傳屢起中心搖
搖恐陽侯之爽信萬目睽睽向海門而注視不戒而孚
聲收息阻向之喧囂不定者忽然如含枚而揆齒雖絳

縈之微響亦澄然其入耳俄而一綫橫江天風颯然摩
挲目睛指點雲烟瞻言百里之外已覺隱隱闐闐豈輶
鼓之動地或殷雷之在天方潮之初發也浩渺之區浮
天無岸竭淡淡而東來雖洶洶而弗叛及其兩山迫脅
沙渾中垠忽而受于拘束無所容其浩汗卒中怒而山
立庶太空之無絆天蓋撼動而欲移地輿震盪而似判
吳山越山為之低昂不已亦恐其流轉而互換魚龍失
勢飛鳥驚竄乃有狡童侏子百十為伍絳幘單衣馳騁

波路持彩旗兮悠颺潮之神兮來何暮呈傀儡之妙戲
羌逞能以相妒耕父來天吳赴支祁按節罔象負羽孰
不為之膽掉心寒彼且從容而沿汭已而潮上漁浦波
澄如故主人曰廣陵之潮救乘以素車白馬比之較之
吾浙真不足齒矣彼弄潮者亦天下之能事哉公子曰
吁夫潮者天地之怒氣也天地方怒而以供俳優之戲
是為樂怒樂怒與樂哀等也昔蔡君謨有戒弄潮文子
不知之乎而以風俗之陋者誇於四方也主人曰否否

夫論事者考其原觀今者邈諸古昔越之敗吳習流二千人戈船三百艘浙江固習水戰之所也降而錢王射潮以强弩此較射於波濤乃謂致師於水府彼氣機之翕張夫誰受其痛苦投箭筈以三千不過中流之東楚逮有宋之南遷也嘗以茲日水中講武殿司臨安金山澈浦水軍萬人巨舶千艘西興龍山兩岸如堵天子大閱簡別强弩分為五隊中權是主舞刀握槩節以金鼓礮聲滿江五色齊舉煙收炮息其散如雨凡今之弄潮

者賈勇售藝兵家規矩輕性命於鴻毛故能馮河而暴
虎其餘伯國之餘風非書生之陳腐所謂安不忘危而
子乃以俳優侮之邪公子語塞而退

靈河賦

魏應瑒

咨靈川之遐源兮於崑崙之神丘凌增城之陰隅兮賴
后土之潛流衝積石之重險兮披山麓之溢浮蹶龍門
而南邁子紆鴻體而東流涉津洛之坂泉播九道之中
洲紛瀕湧而騰驚子恒亶亶而徂征肇乘高而迅逝兮

陽侯沛而震驚有漢中葉兮金隄隕而瓠子傾興萬乘
而親務子董羣后而來營下淇園之豐篠兮投璧玉而
沈星若夫長杉峻櫟茂栝芬檀扶疏灌列映水蔭防隆
條動而暢清風白日顯而曜殊光

大河賦

晉成公綏

覽百川之弘壯兮莫尚美於黃河潛崑崙之峻極兮出
積石之嵯峨登龍門而南遊兮拂華陰與曲阿凌底柱
而激湍兮踰汭洛而揚波體委蛇於后土兮配靈漢於

穹蒼貫中夏之畿甸兮經朔狄之遐荒歷二周之北境
兮流三晉之南鄉秦自西而啓壤兮齊據東而畫疆殷
徒涉而永固衛遷濟而遂強趙決沅而却魏嬴引溝而
滅梁思先詰之攸歎何水德之難量

黃河賦

元李祁

乾清坤夷嶽奠川會覽四海之縈環見黃河之如帶下
亘寰宇之區上通銀河之派折九曲之迂迴瀉千里於
一快想成功於當年徵神禹吾誰賴觀其肇跡西土濬

源天淵浩浩蕩蕩翩翩絲絲或奔放而莫禦或紆徐以
夷延或騰蹕奮迅激強弩以俱發或喧虓震掉雷萬鼓
而並前聳銀闕之嵯峨驅鐵騎之森嚴忽洪流之浩渺
播餘波於兩壩諒一葦之難渡豈容刀之可言思昔龍
門未闢積石未導蕩斯民之衡廬為魚鼈之間與暨黃
河之安流嘉玄圭之錫告濟蒼生於艱危拯沉溺於閑
燥昭乎如日月之乍明廓乎若乾坤之再造此後之臨
流而歎者所以深為魚之憂而羨禹功之妙也逮從西

京治化昭明何壯心之未已復馳驚於遠徂命彼張騫
使於西垠窮二水之所自至鹽澤而陸沈是雖足以知
黃河之原委要未可與神禹而並稱蓋其甘心遠夷疲
敝中國孰若疏鑿功成免民魚鼈靈槎泛泛使節煌煌
孰若乘彼四載經營四方竹杖詭竒蒟醬甘好孰若水
土既平稼穡是寶吾於是知禹之功如天地之無不持
載無不覆幬者矣惟我皇元萬國一統會百川而東朝
環衆星而北拱不必胼足胝手而河流無泛溢之虞不

必窮幽極遠而河源皆版圖之貢愚生南邦未獲時用
蓋將振衣袂乎崑崙豁心胷乎雲夢挹黃河之餘波造
明堂而獻河清之頌

黃河賦

有序

明
周光鎬

予壯時偕計吏北入燕浮淮涉泗歷黃河之委既守西
蜀再上計每由豫州渡以行久之備兵臨鞏按部枹罕
登積石關觀禹導河所自始乃今鎮撫朔方則挾河為
塞有界限戎夷之險澍漑烏鹵之功且幾有汎決之患

食利甚鉅於是乎重有感焉夫九有莫長於河故列之
四瀆特號為宗然江有郭弘農賦亦既彬彬侈言之由
漢以來未有沿源討委總攬萬殊收歷代之遺文畢體
物之能事以及於河者有之自應成亦寂寥未備也然
河在中國古今所稱利害彼此夔殊蓋治之臧否而利
害之小大參之朔方有利亡害越在上游其勢使然也
若今泗沛間漂齧漸滋為害特盛則亦治者或未兼善
豈盡河之罪哉茲余聞命召還且渡河東矣軍旅小間

不量寡率揭其原委遂含毫賦之蓋以誦河之德且折衷近議治者之異同云其辭曰

維河流之靈稱肇億禩而不忒經流別之為宗萬水崇之為伯逮禹功之所加既經矚而可悉粵重源之載導復冒流於積石開隴西之上游逕金城而東出翼賀蘭以包朔方並陰山而望闕左拂雲中雷首右薄太華二嶠循平陰而北轉乎鮪渚遵洛汭而東抵乎成皋由是捐故瀆而不赴指宛丘以捷馳遭淮濟之所道並委輸

於朝夕之池昔之播九以同于碣石為逆而瀉於東齊
者已中枯而成陸或分歧而背趨矣其來同者則洮兼
大夏湟引閭門高平芒於奢延滿汾渭涇洛伊汝潁汴
淮又附之而俱達者蓋不可以殫稽蓋四瀆之流總其
三九州之水領其七咸千里而一折乃九折於中國其
水則渾渾渥渥渥渥渥渥渥渥渥渥渥渥渥渥渥渥渥渥
集不藉颺而騰波詎涅磔而成色及其下桃花之新漲
溢竹箭之疾流浩漚濊而高出濺軋沕而橫浮隄齧之

而善崩山懷之而欲度奚兩涯之可測尚復致辨乎馬
牛至若越呂梁潰龍門觸底柱下集津阨嶮巖東嶙峋
莫不洶渚澎湃濺滄溟奔溜下垂若瀑布之高曳駭
波上躍若雪巖之雄峙飛沫類澍雨之四垂振聲又疾
雷之薦至搖撼山岳動盪天地聞之者改聽覩之者魄
悸伏飛犯之喪其勇擣里遭之失其智其漆園所稱善
遊之夫夫亦寓言而若是其鱗族則有鮒鰭鱗鯉鮐鱗
鰈鯢玄鮓白鰈青鱗文魮豪魚朋遊王鮪穴栖或蒼文

而赤喙或鳥首而龍題或曝顯而未化或具翼而善飛
喜挾濤而出舞每汴流而升危其介族則有素蛟丹虬
黃螭黑蛟朱鼈玄鼈赤螭黃貝蜃蟻蠅浮蛇賁龜八
足之蛻三足之能潛者逗泥而汎沫出者緣崖而曝暉
故隨地而孳育亦隨波以遷移其羽族也鷺鷥鷓鴣鵲
鵲鵲鷓鴣王睢白鵲鵲鷓鴣朱目之鵲赤尾之鳬春鉏
影纓涸澤垂胡當扈以髯而奮體白鵲以視而孕鵲陽
鳥往還而旅處鵲鵲沈浮而托居鵲鵲互舉喧聒相呼

要羣而集引子而哺巧厯不能以乘計司虞不能以目
書其下又有青璣白珠藻璆吉玉曾青朶石璫丹碧綠
浮磬羽磬文琨玄璫或流自他山或產於深澳觀水折
之圓方察精氣之隱燭知寶藏之所興驗珍錯之所伏
其天子之祕寶咸載之於河圖金膏燭銀玉果璿珠是
河宗氏之司衛非庸人所得而闚闚其神則河精巨靈
陽侯馮夷黑公之從趙見五老來告堯期或興兩蛟而
挾舟或駕兩龍而負輶或化星而入昴或授圖而還淵

或玉牘遺於滹次或掌跡寄於山顛稽歷代之禮祀其
備物之或殊或刑正牲而沈白馬或射玄貉而獵白狐
多瑩玉之圭璧及紺蓋之輿車若夫王澤寢消君人失
德徵廢則徙移表亡則竭絕澤枯則山石崩壅陰盛則
陵阜漂沒封原割而流分下民恨而波赤至於帝王聿
興聖人將出則榮光以之錯起休氣以之四塞潤至於
九里清變而五色川后為之貢珍水祇為之效職有若
庖犧之卦畫軒后之綠圖放勳受圖而作記重華剖檢

而得符負之以神馬挺之以龍魚折溜而至蹕水而去
寧靳乎靈府之閔貺孰不及期而來輸又若白魚之入
舟赤烏之流火玉龜之呈識神魚之出舞金人捧劍於
秦昭黃龍彰異於世祖皆能告世運之休徵著瑞應之
盛事蓋藏往以察來亦知微而知彰通神明之懿美目
德水其克當獨昉稱乎嬴氏雖允臧而弗揚喟時代之
廢興慨昔人之遺跡誓功者表其如帶階圖者載其分
域晉君赴哭而遠流武帝興歌而遂室弘農被化之虎

渡晉代互渚之魚出尚父之號蒼兕太尉之斬青牛葛
玄使魚而吐書秦伯濟師而焚舟趙決之為却魏之策
羸引之為滅魏之謀申徒負石以自沉方叔抱樂而赴
溺古治救驂而斃鼃子羽斬蛟而棄璧濟嘉君子之名
渡賜寶門之鬻宋中詠一葦之杭孟津嗟捧土之塞伯
鯨堙之而竊息壤女媧止之而畫蘆灰延世使隄東郡
而豐貴延平奏決胡中而太苛王尊祝水神而患息江
使遇余且而禍罹緯蕭子探珠於驪頷商邱開得珠於

涇隈復有金狄之所沈木罌之所渡宣尼臨之而不濟
魏侯浮之而稱固亡人投偃壁而結誓纂夫沈周寶而
邀祐諸雖美刺之有間咸傳牒牘而昭著其壤有甌脫
之地斥鹵之墟分以萬洫激以千渠溉糞兼資黍稷載
敷變境堉之瘠壤為晦鍾之上腴雲雨以之蕩灌垢濁
藉之滌除汎千艦以遠達通萬國之貢輸興衆利而不
置設重險而有孚宜先王之典禮後比秩於諸侯於是
集周穆之征紀夏后之荒經漢儒之載乘酈氏之所稱

法顯之所歷騫英之所尋具考濫觴之所在咸云自崑
崙之靈丘本神泉之顓質發東北之一隅下夫中極之
淵逮於河伯之都劃凌門穿陽紆絕屬賓之國略皮山
之居招蔥嶺之所出喻于闐之所儲包且末牢蘭之所
聚挈龜茲疎勒之所趨盤迴於荒服者三十由旬乃會
三原而來瀕至於泐澤海曰菖蒲又潛行千有餘里始
及乎中國之西陬後使者薛氏之所訪云得之悶磨崎
嶇而勝國之佩金虎符者復云自星宿之區謂越遐而

遺邇議前記之盡誣竊意河源遙集非一流而後先之
所執抑同歸而殊塗彼見夫顯行之即是而於伏流之
為虛不然者其經見萬里而匯於眇焉之泐澤豈自有
沃焦而為歸墟況有電轉隱淪之跡非其冒出於積石
者乎夫天一之潤下惟四潰之為經厯桐柏而淮出及
王屋而濟興江溯之以為永亦僅止乎蜀岷探茲源以
及委貫方輿之兩端首西極而尾乎東極上應雲漢之
竟天周祭雖並列乎瀆秦郡亦參稱乎川爰揭衆流以

絜校孰與之而克配焉。歷觀往昔之利害，深惜今時之所治不察。夫常變之宜，以極會通之致。夫彼一石之濁，流兼六斗之泥滓，緩行則分，滯急疾則並駛，放乎海澨而成壤。又梗夫尾閭之所委，其控清以引濁，亦非曩人之失謀。獨兼三瀆於枝淮，曾弗災異之為憂。豈容使一衣帶之廣，克任七州之洚流，不經本而障末，難乎圖遠之鴻猷。獨不見夫乘四載者之疏導，鑿上流而行乎高地。度迅悍之怒湍，非弱土之能載。恐一川之不勝，濬九

道以分殺虞暴溢之為菑委曠土以儲待自玄圭之告
成闕千春而罔害後乃淤故道而不修并屯氏而偕廢
即災祚置重使而隄防捐億萬之歲費竭薪石而徒勞
亦屢塞而屢敗此已然之效曷不繼神聖之上計并賈
讓之首策猶可備采於近世顧泥古者拘拘舊迹守經
者安於小利司農惜少府之藏司土重膏沃之棄其孰
肯建非常之弘業而以天下為吾事

黃河賦

有序

明
劉 咸

黃河為四瀆之宗其源流之遠蓋不可與尋常溝壑并論古今博物之士多有賦詠予承命之河南覽其勢之浩浩歎其本之淵淵因為之賦以續於後賦曰

究物理於五行頤神志於羣籍信水類之浩繁各流行而不一或溶漾如天青或澹泞如雲碧或泓澄如練光或緋紅如砂赤或漪漣如藍或黝黑如漆或澄澈如鑑或沸湧如炙凡若此之云云皆可數而歷歷惟天河之一派獨殊類於百川始濫觴於一勺終潤澤乎八埏脈

連渤澥名播于闐不朱不紫匪綠匪玄本后土以為色
假流沙而作權因九曲以成勢與三瀆而並肩漢納其
腹澶沮其咽濟漯其涕溱洧其涎羌晨晡之陰霽偉氣
象之萬千爾其發源崑崙匯流蔥嶺涓滴所生日浸月
盛自剛山北流千里而西至于蒲山之陽自蒲山南流
千里而東入乎華陰之境蓄豪悍之騰威乃齟齬而未
逞忽摩崖而奔開恣一瀉於俄頃洶湧澎湃跳躍馳騁
飄然若月窟之舞霓裳燦然若天機之下雲錦炯然若

鑑金之溶範圍翦然若蠶煙之出火井勃然若驟雨方
至而電驚雷震鏘然若大樂將終而金聲玉振突然若
萬騎出驅以奉諸將之令哮然若羣虎相鬪以致一時
之命知者遇之不能不為之昏昏勇者見之亦不得不
為之凜凜已而離西域窺中原出秦壤趨禹門繞潼關
之金隄割底柱之靈根通渥澗兮函谷匯伊洛兮孟津
接淮泗兮潁上會江漢兮海濱牛馬之去來兮莫辨涇
渭之混濁兮不分魚龍之變化兮莫測蛟鼉之出沒兮

無倫吐虹霓兮吞日月噴雲霧兮浮乾坤蓋至此而大河之勝有不可得而形容於言者於是奮餘威厲鉅鎔浩浩蕩蕩濇濇瀦瀦未雨而鬼怪百呈無風而神瀚自作歛而為湍散而為沫瀦而為淵注而為壑遇溝陂兮委填遇丘陵兮開鑿遇夷壤兮潰流遇畔崖兮激搏羣山羅列兮不能留積石嵯峨兮不能遏泥沙昏滓兮不能壅大澤瀾漫兮不能括盛矣哉其量之同乎太虛淵矣哉其光之涵乎沖漠雄矣哉其勢之達乎滄溟壯矣

哉其聲之動乎寥廓意者天地之氣機而造化之脈絡
邪意者其方輿之心腹而河海之鄂廓邪不然何寬何
洪衆流必容何去何從萬折必東由中潤下而不厭履
險涉難而皆通流晝夜而不息亘古今而不窮吾不知
其於世何物與之爭雄宜乎魏國美之以爲寶漢家以
之而誓功思昔洪流滔天不辯區域渺九州之一瀦皆
浸淫而洋溢惟禹聖人繼天立極慨兩儀之混沌念羣
生之昏溺乃刳木而隨山因順流而疏滌雖手足之胼

朕三過其門而不入九載勤勞厥功始畢然後地平天成烝民乃粒舟楫以之而通財賦由之而殖歷世相承至有今日然則論河之功可不知神禹之力我國家奄有寰區車書混一海宇晏如恩波之所及德澤之所敷罔不率俾來貢來輸故斯河也有帶礪之固無汎濫之虞迨今寧謐五十餘年每澄清兮見底輒浹旬兮不汚愚也何幸身逢承平之盛世而因覩乎禎祥之屢書慶千載風雲之嘉會得乘查於斗牛之墟爰摠誠而獻賦

聊以效夫龍馬之呈圖

黃河賦

明薛瑄

吾觀黃河之渾渾兮乃元氣之萃蒸
濬洪源於西極兮注天派於滄瀛
貫后土之龐博兮沓玄溝之晶明
過積石而左轉兮龍門呀而峻傾
薄太華而東驚兮撼底柱之崢嶸
入大陸而北徙兮迷不辨夫九河之故形
經南海而紀衆流兮擅浮沈之濯靈
覽頽波而懷明德兮又何莫非姒氏所經營
登崑崙而俯視兮固髣髴其初迹

馭高風而騁望兮遂周游其曲直何末流之混濁兮始
清激而湜湜晃澹灩而徐趨兮勢沄沄而自得觸險石
以鬪暴兮訕雷轟而轂擊天宇擴其沆瀣兮渺上下之
玄黃霧雨靈靈而滄集兮混邃古之洪荒微風蕩拂而
渙散兮天機組織其文章頽焱浩而洶湧兮百怪垂涎
而簸揚腥雲濁浪以盪汨兮恍忽顛倒夫舟航靈曜升
而赫照兮乘正色於中央望舒在御而下臨兮列宿涵
泳其光芒若乃震秉符以行令兮百谷淫淫其凍釋山

澤沮洳以上氣兮增滉漾之洋溢魚龍乘濤以變化兮
杳莫測其所極祝融載節以南屈兮雷雨奮達以霧霈
演支流而股合兮百川奔而來會木輪困而漂拔兮蔽
雲日而淘汰狂瀾洶而齧岸兮塊土焉塞夫衝潰霜戒
嚴而未脫兮少昊執矩以司秋洲渚緬邈而石出兮始
殺湍而安流霰雪分其四集兮顓頊乘坎以奮神大塊
噫氣而摩軋兮流澌下而龍鱗層氷橫絕而山委兮河
伯驅石以梁津羌險夷而明晦兮變朝暮與四時颭風

起而衝水兮莽怪駭其難推觀圓方之一氣兮恒來往
而密移昔尼父之歎逝兮跨百世而罕知顧川流之有
本兮與終古以為期啓龍圖而翫六一兮悟主宰之所
為喟余心之未純兮感道妙之如斯聊誦言以自明兮
庶晝夜之靡虧

襄華貫洪河賦

以崇嶺橫斷靈
潰長注為韻

唐 闕 名

太極經始純坤傾東勢以嶽鎮氣以川融於是靈闕襄
華象開鴻濛橫大野以中豁夾洪河而北崇爾其沓嶂

無際連波方永噴激萬里迴合千嶺總峻函之氣象壓
秦晉之封境山以河潤上騰雲雨之祥水與時清下倒
巖壘之影若乃騁遠望馮層城秋爽元氣朝昇大明偉
連天之浩汗壯發地之崢嶸翠岫屏擁澄瀾砥平疑白
虹飲壑而半隱似寒雲抱塞而初橫及夫俯臨迫察詭
麗雄悍峻勢危而不騫靈源注而常滿積陰騰氣與嵐
色而相鮮燦日生霞連榮光而不斷觀其富含精秀孕
育風霆應會昌運發揚炳靈茂賢傑於間出翊邦家而

永寧況乎山積鴻休川流景福明徵祥瑞幽贊化育此
其所以配乾坤此其所以稱嶽瀆豈徒翫夫縈帶委注
蓮開翼張巍巍我我滔滔湯湯干天之峻極赴海之靈
長而已士有圭竇強學金門獻賦困陶侃之無津恥孫
弘之不遇覽襟帶而增氣追聖賢而遐慕想劉公之歎
微禹其魚感吳子之言在德為固義由景行仰高山而
自慙志切朝宗與大海而同注儻餘潤之波及期變化
於雲路

清濟貫濁河賦

以與濁同流清源自別為韻

唐 李君房

濟有瀾兮清冷不窮以清激濁兮洪河之中迤靈長而
委注忽薦至而爭雄懼渥乎泥我則貫而愈淨將合於
道我則和而不同徒觀其虛明皎潔秀色澄澈漾清泚
以遐分界飛濤而劃絕始騁迅以中瀉載沅謙而東洩
德惟靜自澄之於本源體雖柔豈混之於派別懿夫貞
不受汙清非可混噴中流而激射劈巨浪之崩奔狀浮
雲決開晴天之灑空碧若輕埃乍斂明鏡之洗蒙昏遠

而望之孤烟橫於曲渚迫而察也霜練引於靈源是知
夫道惡比周物莫相與彼流濕之為類尚沿源而異處
匪泥沙之可雜豈湍湫之能阻越洪濤之浮浮駛清浪
之悠悠不學溜澠之難辨且殊涇渭之同流於以用之
甘見和之醴就其深矣欣可泛乎舟狀盤渦之澆濁不
染乎濁湔跳沫之飛驚不傷夫清均上善以清美含至
虛而體平度龍堂而愈灑洗貝闕而增明何必溱洧之
陽然後濯其髮寧俟滄浪之畔然後澡其纓截河而流

所以為異導汚而注明乎所自醜濁波而迴逗沛驚湍
以自致庶彌久而不渝鑒妍蚩兮無媿

清濟貫濁河賦


以與濁同流清
源自別為韻

唐許堯佐

河之並濟兮惟秩其平濟之貫河兮勢若相傾非剛克
無以見其柔立非甚濁無以彰其至清是以靈源濬發
柔德兼呈徒觀其流波委注秀色澄澈沖融而濁水遙
開鼓怒而洪流直截遂使還淳之士疑二氣之初分策
功之臣驚一帶兮中裂既處濁而不染每含貞而自潔

苟與和光者殊致寧與淤泥者無別是以霍蘓波激崩騰勢翻濟水與河水相輝光容易識清流與濁流不雜質性難論苟微之於變化可察之於本原於以表德於以辨類方九折而橫流啓重泉而直至故以盤渦渾曉日之輝疊鏡寫晴峰之翠絕河而去孰與我爭先導沆斯來孰謂我奚自若乃冲虛是翫迅激難儔廣可涉兮思杭葦於寒渚清可挹也欲濯纓於夕沅貫長川之浸浸委輕浪之悠悠然下流緜邈願表清而不濁上善昭

融故守和而不同故可扶正直之純志助潤澤之成功
動連漪於迴浦萃光景於微風且淮之清兮濱於夷江
之遠兮界於楚豈若貫大川以揚波臨大都而分渚舍
清濁而獨秀求匹敵而誰與苟河清之可期願朝宗而
為侶



御定歷代賦彙卷二十五

欽定四庫全書

集部

御定歷代賦彙卷二十六

詳校官檢討_臣劉 所

主事銜_臣徐以坤覆勘

總校官編修_臣王燕緒

校對官中書_臣嵇承志

謄錄監生_臣秦聯登

欽定四庫全書

御定歷代賦彙卷二十六

地理

浮淮賦

有序

魏文帝

建安十四年王師自譙東征大興水軍汎舟萬艘時予
從行始入淮口行泊東山觀師徒觀旌帆赫哉盛矣雖
考武威唐之狩舳艫千里殆不過也乃作斯賦云

沂淮水而南邁兮汎洪濤之湟波仰巖岡之崇阻兮經

東山之曲阿浮飛舟之萬艘兮建干將之鉞戈揚雲旗
之繽紛兮矚榜人之謹譁乃撞金鐘爰伐雷鼓白旄冲
天黃鉞扈扈武將奮發驍騎赫怒於是驚風汎涌波駭
衆帆張羣櫂起爭先逐進莫適相待

浮淮賦

有序

魏王粲

建安十四年春三月王師自譙東征大興水軍浮舟萬
艘秋七月始自渦入淮口將出淝水經合肥旌帆之盛
誠考武威唐之狩舳艫千里不是過也時粲以丞相掾

隨行承命同作斯賦

從王師以南征兮浮淮水而遐遊背渦浦之曲流兮望
馬丘之高蒞汎洪櫓於中潮兮飛輕舟乎濱濟建衆櫓
以成林兮譬無山之樹藝於是迅流興潭漫濤波動長
瀨鉦鼓若雷旌麾翳日飛雲天迴蒼鷹飄逸滂沛洶溶
遞相競軼飛驚波以高騫馳駭浪而赴質加舟徒之巧
極羨榜人之閑疾白日未移前驅已屆羣師按部左右
就隊舳艫千里名卒億計運茲威以赫怒清海隅之莽

帶濟元勲於大舉垂休績乎遠裔

漢津賦

漢
蔡邕

夫何大川之浩浩兮洪流淼以玄清
配名位乎天漢披厚土而載形
發源自乎蟠冢引漾澧而東征
納陽谷之所吐兮兼漢沔之殊名
總畎澮之羣液兮演西土之陰
精過曼山以左迴兮旋襄陽而南
縈切大別之東山兮與江湘乎通
靈嘉清源之體勢兮澹澶漫以安
流鱗甲育其萬類兮蛟龍集以嬉
遊明珠胎於靈蚌兮夜光潛

乎玄洲雜神寶其充盈兮豈魚龜之足收於是游目騁
觀南援三州北集京都上控隴坻下接江湖導財運貨
貿遷有無既乃風颭蕭瑟勃焉並興陽侯沛以奔騖洪
濤涌而沸騰願乘流以上下窮滄浪乎三涇覩朝宗之
形兆看洞庭之交會

漢江賦

有序

明興獻帝

序曰天地間為瀆者四而漢江居其一發源於興元之
蟠冢經漢中沸鄖襄距豐郢合潛沔至大別出江而朝

宗於海誠荆南之險壯而人臣之輸忠者取鑒焉夫漢
嘗淳涵於唐平於伯禹職方於明古今冒厥利吾幸宅
於此實襟帶之固將資忠於藩屏以副九重眷託之心
而禹之明德蓋亦不可忘者邪因作漢江賦若郭景純
木玄虛成公綏之江海河賦殆未易追蹤者也見者其
無誚焉賦曰

湯妙有之肇播兮闢天地於崇卑貫山岳之血脈兮距
渤澥而派茲殷廣漢之流演兮混靈源於蟠冢穴礪谷

之縈紆兮滄洪流而洶涌削萬里而直下兮曷沙磧之
能壅遡天靈之奕葉兮浩瀕洞其惕悚嶽地軸之浸涵
兮咨民居之匪康糾龍蛇於萬壑兮毒吞噬而巢窟其
彷徨帝命禹作司空兮慨鯨續以過懷襄殫神思之集
勞兮信決導之有方忘呱子而懲入門兮卒告功於平
成屏塵氛與災痺兮洽文命於八紘貽兆世之巨利兮
薦明德之芳馨悵至聖之浸遠兮適支裔之休明何辛
受之汨常兮染悞淫於斯邦豔游冶之靡麗兮滌新化

於文王紛淑慝之積習兮夫豈漢水之所漸濡淪元氣
之精華兮協氤氲而敷腴挺人物之瓌奇兮鬱隱顯而
異需孕吉甫之文武兮順履霜之孝子淬德公之峻操
兮藻冰鑑之雅士表向寵之淑均兮烈習珍之英偉老
東之之相才兮壯柳惲之書生憐子美之忠愛兮著浩
然之幽貞喟張問之拒新法兮矯孟珙之衄金師歆叔
敖之政教兮譔季良之諫隨毅連萬夫之罵賊兮瘁庭
芝之勤王艾漢陰叟之戒機心兮炳文考之圖靈光嗟

人傑之降生兮固長川之所經緯彼鱗羽之蕃息兮亦
餘潤之分美背負龜鼉之顛負兮目比鰈魴而不相離
鼉鼓鯤鯨之騰敷兮翼飛鯀於澠池銳蛇尾之鱗鱗兮
森鶴羽之靈翹曳六足之鯨魴予戴八極之神鼉文屋
瓦之蚺兮聲嬰兒之鯉轉車輪之鯢兮覆金鈔之魴物
魴鯢鯢之瑣碎兮成亭育而無遺嗟生生之不窮兮
復飛動之繁滋匹嚶渚之睢鳩兮羣在淙之鳬驚唼來
賓之鴻鴈兮號淒清之鷗雞介戢翼之鴛鴦兮下振振

之驚委胎化之仙禽兮炫能鳴之驚澤虞長鳴而不去
予象主守之官雖鷦之行且拙兮况兄弟之急難驚一
足而騁三日兮又有兩首之鸚鵡似魚而鷄似雞兮鼈
入海而為蛤水狗驛馬厥類孔多兮石蛙神蜈紛其含
和或湊集於淺瀨兮或浮泳於滄波或啄攫於稻粱兮
或容與於茆莎漾江蘿之旖旎兮馥汀蘭之歲蕤羗盈
揭車之披披予曾不與蕨蕨而因依揭葭莢之長洲兮
濯篠簜以千陂蔭荷芰之萬頃予錯包茅而貢之匪直

物產之富盛兮詎識乎至德之靈長出漢中之百折兮
經鄖國之惟陽導均澧而抱襄郢兮領潛沔而縈帶乎
滄浪沃蒸潯瀋於夢澤兮瀉大別而東馳於扶桑濺灕
灕以颯颯兮盪日星於無極之墟瀏瀏測測而細罔滲漏
兮迴不失尾閭蕩洌洌以自潔兮入百谷之潢潦而不
辭洶通鄴瀆以奔放兮遵咸池而東之形委蛇以跨南
北兮宛若白虹之赫曦時澎湃而撞崖壁兮突如鐵騎
之攘搶終妥帖而靜虛兮雖包荒而弗容乎魍魎唯蚪

龍之蟠驤兮韜珍產之陸離祕靈祇之幽跡兮吐雲雨
而渺瀰升一元於太虛兮襲往來之不息亮天地而利
民物兮伊誰之績躬八年之胼胝兮曰崇伯子之力欣
戴永永兮曷其敢數肆皇明剖符兮奄茫茫之禹跡沛
汪惠旁洽兮暨祝融之宅肅藩岳修貢兮敢隳厥職迺
歌曰紀南條兮漢之浮禹所治兮安若流民世世兮奠
室疇爰宅茲兮亦何求王家其乂子皇德是酬

四瀆潦水賦

有序

明太祖

朕嘗俯仰二儀深思其所以必陰陽之所以著今也槩
觀二儀陰陽也陰陽二儀也此其所以未知也夫二儀
本二氣之所著若否於二氣則上下隔矣若或上下姤
則萬物咸亨所以亘古至今必盛暑之時則密雲浮游
於兩間霖雨大降斯太和之至矣潦水之興矣若果如
斯則生民福臻君民者仁治今當其時墨雲變隸風不
鳴條雨不破塊宜乎其時故為之辭曰

惟二氣之姤和無不及而否過運氤氲於兩間濁三江

而九河清淮濟而盈海無洪濤而巨波倏汗漫而連野
驀汪洋而浸多俄微風之拂面對倒影而沉柯昔襄陵
而懷山神禹鑿而民歌已而滔滔東注非海潮而他何
三門峻急吕梁旋渦巫山莫止來源沙陀漑荆楚被棗
荷廖久疾起沉疴均沾萬物特盛時禾爾乃蕩蕩漾漾
婆婆娑娑浮輕舟之蘭櫂利漁夫之梭蓑湍於崖壁綠
挂女蘿泛於農圃茂於蓼莪五嶽示態精英嵯峨澤施
博愛奚分巨苛便商舟之絡繹善官站之走舸會百川

之晶渺衝撞林麓之巖阿或巨魚之跳躍翩翻嫩綠之
浮荷布浮萍之滿面浴潔白之游鷺澤北塞之翠草犢
胡民之紫駝功既滂沛溢堤盈坡海上瀛洲稽顙稱臣
拜首夷倭夫何德備天地雨暘時若而不磨

濟川賦

魏文帝

臨濟川之層淮覽洪波之容裔凜騰揚以相薄激長風
而亟逝漫浩汗而難測眇不覩其垠際於是龜龍神嬉
鴻鸞羣翔鱗介霍驛載止載行俯倭菁藻仰餐芳永

號長吟延首相望美玉照晰以曜輝明珠灼灼而流光
於是遊覽既厭日亦西傾朱旗電耀擊鼓雷鳴長驅風
厲悠爾北征思魏都以偃息託華屋而遨遊酌玄清於
金罍騰羽觴以獻酬

濟水賦

明
謝肇淛

相彼神濟截流成渠旣泓濤而北發復散漫而南趨爰
潛伏而不見瞥飛逝其突如粵自岱宗之麓迄於滕薛
之墟暴雨晴敷雪花夏噓寒星晝煜明河晨鋪碩石濺

髓驪龍吐珠其可得而名者七十有二而支流旁脈不
知幾千萬餘迺命司空載淪載驅或合或析或直或紆
儲其涓滴歸之尾閭引洸合泗接汶通徐浮萬石之餘
艘供上國之轉輸故雖微而稱瀆視河漢其焉殊信神
功之浩瀚夫豈鸛鵲之所能踰

洛川晴望賦

以顧拾青
紫為韻

唐

白居易

金商應律玉斗西建加旬雨之時晴叶秋成而適願是
用步閭里詢黎獻皇風演溢歌且聽於昇平聖澤汪洋

誦不聞於胥怨爾乃命親懿會朋執賦卽山眺洛邑天
次寥而雲靜氣肅殺而風急三川浩浩以奔流雙闕峨
峨而屹立飛梁徑度訝殘虹之未消翠瓦光凝驚宿雨
之猶濕嘉三時之是務觀五穀之斯入覽滌場之在勤
知滯穗之見拾及夫日色黯黯寒光熒熒遠水澄碧羣
山結青山水隱映花氣氤冥瞻上陽之宮闕兮勝仙家
之福庭望中嶽之林嶺兮似天台之翠屏宜其迴鑒興
予檢玉牒朝千官兮御百靈使西賓之誇少弭東人之

思攸寧不亦盛哉客有感陽舒詠樂只揮毫翰獨徙倚
願得采於芻蕘終期拾乎青紫

洛原賦

明趙時春

將與子兮瞻彼洛洛之水瀟瀏而清漠披宿海而劃龍
漣暈漢宮而帶唐郭馳走周韓之郊鷗張大獄之脚泝
鴻蒙之肇域懷麓宛其如昨帝殷厯茲祕謨期使天文
式廓命巨靈之鼎肩贊崇子之疏鑿奎章兆於神龜文
命受而齋淪敷賁爛若羣英炳五用於丹雘肆後獻之

製材必於是乎咨度靈光覃夫千秋伊獻哲之攸作懷
聖圖以宣文駕崑崙而磅礴爰諭俗以摘詞反斥約而
為博託音詠以諷規郁春葩之敷萼翳元白之媿微實
雞羣之孤鶴慶流衍於江濱紛屑緒之繹絡鉤韶之
鳳鳴亦乘秋而作鶚傳世復其殊流義將湮而恩薄顧
之子盡諸哀懼將遵乎宗祏迺道河以沂江葛薇延其
所託錫嘉名於豫邦本太始之渾噩陟崇丘之纍纍絙
千里其如削帶湍流之喧飀噴魚龍之揮霍嗣先猷之

鴻音鼓清風於萬壑巍厚載以爭隆澤沿洛而施博煥
軌躅於無疆豈斯文之嬰鑠亂曰與子遊兮洛之南南
有三峰熊耳山遙瞻淮漢流潺湲與子遊兮洛之西崑
華連蜷蟠朱提層峰峻嶺與天齊與子遊兮洛之陽嵩
少崢嶸直太行龍門九曲道路長與子遊兮洛之野鬪
雞走馬金溝下累累冢墓何為者洛之原兮邛之水松
檜森森兮泉石每每沃野良田衆所美禹範周鼎有遺
趾吾與子兮從茲始

泛渭賦

有序

唐白居易

右丞相高公之掌貢舉也予以鄉貢進士舉及第左丞
相鄭公之領選部也予以書判拔萃選登科十九年天
子並命二公對掌鈞軸朝野無事人物甚安明年春予
為校書郎始徙家於秦中卜居於渭上上樂時和歲稔
萬物得其宜下樂名遂官閒一身得其所既美二公佐
清淨之理又荷二公垂特達之遇發於嗟歎流為詠歌
於時泛舟於渭因作泛渭賦以導其意辭曰

亭亭華山下有人跂予望兮愛彼三峰之白雲泛泛渭
水上有舟沿兮泝兮愛此百里之清流以我為太平之
人予得於斯而優游又感陽春之氣熙熙兮樂天和而
不憂曰予生之幸兮時哉時哉當皇唐受命之九葉兮
夷與華而無氛埃及皇帝繼位之二紀兮命高與鄭為
鹽梅二賢兮爰立四門兮大開凡讀儒書與履儒行者
率充賦而西來雖片藝而必收予故不棄予之小材感
再過於知己心慙忤以徘徊登予名於太常兮署予職

於蘭臺臺有蘭兮閣有芸芸芳菲兮其可襲備一官而
無事又不維而不繫家去省兮百里每三旬而兩入川
有渭兮山有華澹悠悠兮其可賞目白雲兮漱清流且
或偃而或仰門去渭兮百步長一日而三往夜分兮扣
舷天無雲兮水無煙遲遲兮明月波澹澹兮櫂黃緣日
暮兮舟泊草萋萋兮沙漠漠習習兮春風岸柳動兮渚
花落發浩歎以長引舉濁醪而緩酌春冉冉其將盡予
何為乎不樂鳥樂兮雲際鳴嚶嚶兮飛喬喬魚樂兮泉

底馨鱖鱖兮尾濺濺我樂兮聖代心融融兮神泄泄伊
萬物各得其樂者由賢聖之相契賢致聖於無為聖致
賢於既濟凝為和兮聚五福發為春予消六沴不我後
兮不我先適當我今生之世彼鱗蟲兮與羽族咸和樂
而不知惠我為人兮最靈所以媿賢相而荷聖帝樂乎
樂乎浴於渭兮詠而歸聊逍遙以卒歲

渭水象天河賦

以題為韻

唐劉琯

昔我先王肇修人紀乃建邦國以立都鄙或處沃而稱

奧或宅中而為美周分景臺之測用會陰陽之擬漢據
鵜首之分實為山河之理故右扶風而左馮翊距涇川
而浮渭水潼涵襟帶鄠鄠魏我下則崇岡於地險上乃
取範於天河城雉周環而斗設宮觀駢牙而星羅轉曲
江於前岸俯冀闕於中波車馬誼流渾派聲之交錯風
塵日久與津霧而相和蓋聖人垂則必天之象王者都
會大洽斯亨運旋衡以齊玉燭法露盤以崇金掌四方
輻湊萬國攸仰風雲以之吸合日月於焉澄朗苟禎祥

而應會則乾元之攸往何必河出圖洛出書然後為卜
食之華壤者也懿哉作者元后中興後嗣同天之道順
人之意橫橋乃牽牛之設素滌則飲龍之謂晚光澹澹
接鳳苑之祥煙曉色清明連斗城之佳氣樓臺傍而津
涯隱伏鐘鼓作而波濤汨沸不覩斯焉以取斯寧復知
王者之貴不察所由於所以又安明坎德之靈而主乎
渭徒觀其遠界汧隴橫截秦川沃長安之霞日浮京兆
之雲天都邑傍於左右舟楫來而汭沿上林之煙開霧

卷建章之戶萬門千朝而望兮蓬瀛若留乎岸側夕而
臨也河漢宛在乎目前是以婁敬云被山帶河四塞為
固豈不謂天道無親惟德是輔祥符下及瑞圖斯遇以
登仁壽之理用表坤靈之喻請謂東周安處先生之徒
與須知西朝翰林主人之作賦

渭水貫都賦

以帝王建都取
諸上象為韻

唐

衛次公

清渭天鑿名都王制貫金城千里之域寫銀河九霄之
勢同穴發源衆川潛泄分黑水以渺漫遶黃山而迢遞

水能濟物用導於中州君德配天故法於上帝都之會也皇皇渭之流也湯湯異東西之渥澗非汲引之沮漳夏后濬川分流非肇於伯禹秦德王水貫都必因於始皇照雙鳳之丹闕架長虹之飛梁褰裳者不勞於揭厲濯纓者何必於滄浪泛彼樓船掩橫汾於武帝濱之鈞叟感入兆於文王且夫前王酌憲惟王都之所建度地有孚因貫渭之上腴曲抱乎周原秦野旁臨乎八達九衢既流行以紅粟誠輝煥乎黃圖則知八水皆流豈清

於渭水五都並制莫大於西都原夫渭者雍之巨浸都者人之所聚天垂法君必取曳雲間之清渭何殊雲漢移天上之紫宮洞開天府及乎縈流一帶中派紆餘蕩元氣澄太虛稽前典而備矣於名川而舍諸豈惟積潤於庶物固亦近壯於皇居至乃春景澄廓晴霞朗暢涵萬象於影中度牽牛於波上客有觀光者於茲而寫望美夫取法可仰因天垂象疏紫陌而逶迤流丹霞而蕩漾周公卜洛雖云風雨所交秦后貫都實謂膏腴之壤

惟洪業之永固與渭流而彌廣

涇渭合流賦

以題為韻

唐 獨孤綬

遊者感異源而合趣指涇渭於秦樹涇如經也自北而南流渭若緯焉從西而東注性相近以不息勢使然而自遇湜湜其止昔既聞之於詩湯湯其流今則狀之為賦夫至清者渭至濁者涇惟清也鑒物之道著惟濁也含垢之義形共導金氣咸通井星混殊流之昭晰成一帶之滌滯初以縱亂橫似爭長而難雜終以潔受汙何

極睽而乃合禹功之所兩存漢苑斯焉博納乍異其色
覺游鱗之隱見必同乎聲帶長風之蕭颭象昭回之可
求歌鄭白之有由飲馬投錢足以發明廉士決渠降雨
足以殷富神州既相弘以利物寧自異乎並流知之者
齊我以不皁不昧感之者比我於一薰一蕕斯乃柔以
長存和之足貴近則順洪河之紆直遠則成滄海之濩
渭同功一體叶靈通氣信殊穀洛之流寧爽淄澠之味
夫然彼獨清而無偶非達識之所謂

豐水賦

宋王孝友

豫章古號勾吳附庸自江北而徙建即南昌而分封漢
錫以富晉命曰豐梁暫畀撫隋復隸洪環困洄洄鎮山
崇崇既燾社於爵列亦要銀於縣公起造物之休息產
人傑之冲融經學齊緩衣冠魯風仕少宦情俗與古同
操觚懷鉛莫備形容粵自丹陽啟土長晚中夏命干將
於吳產資越工於歐冶鑿大騄以出鋌詠風胡而定價
發龍淵之新硎與太阿而更霸愕千仞之壁立浩萬折

之傾寫驚屑越於兕甲指飛颺於駟駕火精潛闕於吉
土晉旅瑟縮而退舍武皇築宮以旌異章帝親題而資
下何靈物之鏹蹟淪古犴而不赦紫氣輪囷而貫斗寒
芒剡奕而爭夜孔章雪鐸於久蟄壯武服之而驚佗始
丙桀於北巖終耿光乎少華眷天寶之必復駭延平之
儻化凜冲氣之攸在非見驟而驚乍玩雙鐔之書贊豈
取次而假借迺若池山濯秀芙蓉浴日真靈所栖厥惟
始豐新邪是營永徽僞功章水徑其北曲江匯其東帶

二水之交流襟三洲之長雄洪濶舞蛟巨隄暝虹下千
艘之粲白動檣牙之颭紅灌輸輻湊泉貨阜通若夫晚
瀨無波夕景涵空聽煙外之鳴榔認鷗邊之短蓬髣髴
笠澤依約吳松晞濠上之游鯈亞洞庭之橘宮竦後前
聞侈觀後躅威鳳巢其高岡鸞雛啐於幽谷窖棲神丹
淵生金粟藥石鏤贊皇之賦寶室快涪翁之讀鼇扉之
文如在騎省之頌可續詞工長善詩妙羣玉順墨池以
心敬輟考泉而貌肅鄉標長樂里揭長安洲既鶩龍社

亦歌鸞精行達孝而錫封壽春羈忠而列仙追憲表之
清風誦少陵之大篇記河西之新幢哦出塞於左賢嗣
銀筦之遺響證豐碑之瑤鐫或居鄉而化行或啟宇以
旁延忠厚策勲於續敕信誼成德於同年徇一節而尸
祝壯九拜而極言偉三稱於郎宿赫再忤於師垣詩矜
豪於痛飲賦誇雄於會躔續碑語於溪堂晤賞音於平
川句折良史之奇學富尊經之篇或交臂於射鄉或冠
倫於黌省伸讜議於鬻醯建遠圖於推茗欽孝著於宰

木暮廉稱於安定焚妖像之眩俗斥叢祠之干正或乘
車於五齡或用鉞於百乘裁效牽之絡繹予蠲除之僥
倖外夙著於模楷內兼優於文行扁華椽於補史勛師
說於西岡詠春還之清詩諷金影之名章議論欲超於
峨岷種藝或規乎壽張墮謫仙於樊樓精象數於草堂
書哀至孝之通神卒感仁言而弗忘睇黃墟之高標想
西陂之逸韻賦嚴瀨而軒渠誦贛灘而奮迅慨玉樓之
感歌弔竹坡之形影揭誠齋之墓表哦水心之篇詠宜

蠻夷覲德以心化淫瀕收波而神聽或遵養於宗府或
厭直於儀曹指退軒之奎文問竹坡之詩豪或廉問於
兩驂或通夢於三刀莫不富水其清侯峰其高位不滿
才榮未副褒或默或言各惟所遭道有升降一人之本
薰然慈仁告新令尹雷裴顯晉張柳稱唐亦有朱馮可
以搜揚詩稱水部律進奉常或振廩以同食或鞭石而
固防旰南稱陳臨汝表江返宿習以改紀樂半環而祀
王贊府景伯專嫩有唐非無印曹上坡位揚亦有少僊

宋劉相望宛其風流膏沐曄光巍巍寓公赫赫明府於
粲大興發敗溥誦魯無君子斯焉取斯

泛溥沱河賦

明石 瑤

介然子將如東瀛放舟於溥沱之浦覽郡國披山川辨
土壤聆風泉俯象六極仰窺無垠問遺俗於故老招海
上之飛仙於是揖漁人而進之曰子亦知夫茲水之源
乎出自繁峙經於代谷放乎鴈門之坂帶於太行之麓
朔方巨嶽實扼其胸恒衛諸流半入其腹氣吞萬壑激

硤礪而未平勢應三泉墮平原而愈感時乎春水乍融
積雪方解支流趨順客浪藏駭迂迴漫延千里一帶雷
石成渠鋸波赴海千城藉其潤色萬畝資其灌溉鉞鎗
鳴帝子之環嘔軋散將軍之凱編枵賈客燈火輝煌罷
釣漁郎歌聲歛乃方洲乍晴倏昏忽明擘神農之遺譜
得靈均之杜蘅及夫積霖未止秋水大至巨濤圻空駛
溜軒地律令助威飛廉擁勢海若為之改容巨靈因而
避位鯨翻渤澥鬼母長嘯虎栗昆陽英雄失智山刊菑

翳野誅樸檄先驅一指崩沙潰屋怒留城邑薪藁如雲
殃及鱗魃僵尸遍谷亦有傾城摧山變陵不雨而怒無
龍而興湍隨鯤徙勢若雷崩斷岸蒙隤殷輪牟赤平岡
被鬻戈戟猶青霆擊斷跌訝魚龍之識字渚留袍笏豈
犀火之通靈乃有泗濱磬浮汾陰鼎見寶鏡入秦號鐘
歸梵涇陽嫁女簫鼓猶喧龍更射綃波濤飽戰壤百尺
之長橋剗千年之古塹人懷魚鼈之憂國有沼池之歎
忽幾劫之餘灰出昆明之一旦蓋自列國兵屯朝齊暮

秦盟渝韓魏兵來蕪門趙國上卿功名一擊平原公子
車騎長奔虎狼勢成合從事緩頗牧既亡望諸已晚建
不出援丹空起變常山之蛇陣徒存主父之龍顏幸返
復有劉項相雄赤旗建功淮陰古壘東垣廢宮王霸詭
水再光舊版蕪亭飯麥猶著遺忠保河北以待朕亦何
異於關中乃至開元弛網漁陽肆毒投鞭斷河驅王入
蜀常山太守首抗天下之吭帳下豬兒竟破羯奴之腹
惟宋有國茲當九陟契丹伺便西下來窺築甬梁津任

布有備邊之策山崩海覆劉琰興致死之師自餘紛紛
以暴易暴中更幾秦世歷多號劉琨有志獨枕長戈虞
詡難逢空增萬竈太平之日少於戰爭中原之俗半多
胡帽是宜地下白骨多於黃土長河東奔為泄其怒摧
車卷甲盪百世之餘光濺沫飛流刷遺羞於千古山蓋
不得不峻水蓋不得不駛陵谷蓋不得不變城市蓋
不得不徙是雖天時人事交會之偶然然亦豈惡殺
好生造化之得已者乎乃知天本待人地亦藏宅畀吾

祖宗增其式廓既定鼎於金陵又相居於恒嶽若成周之豐鎬復營邑於伊洛於是山多獻靈川亦効職噓氣成雲蒸地得澤不涸劉累豢靈沼之二龍亦有豫且得白龜之徑尺木多杞梓自河而東波有鯉魴望海而入其有異氣蘊鬱孕為賢良輝煌事業璀璨文章高門大纛紫綬金章或名流乎林藪或身負乎網常乃若蘭陵著述功碑墳典文貞諫論治速成康閣敞平津屢屈吾丘之博辯屏張便殿猶存李絳之封章武惠忠誠身兼

將相韓維兄弟並在巖廊趙賓客之名懸調燮黃牧伯
之風挽循良一代龍頭世頌文忠之相業兩朝司馬名
登恭敏於旂常是其在昔有作於今並昌孰非山川之
所鍾毓地氣之所敷揚者乎矧吾生之行休值海波之
方晏駕木蘭之長舟縱千里於遐覽橫桓伊之古笛飽
廉頗之一飯藉荒磯之芳草憇清風之別館采江蘼以
為佩畦揭車之九畹悵九原之莫作想古人之如見於
是流魚出波沙鳥鳴苑月華窺林露色淒晚樂未極而

悲已生日已久而路猶遠既引領而高歌又一唱而三
歎浩浩乎飄飄乎蓋不知吾之所欲之而忘吾之所欲
返也歌曰山窅窅兮波鱗鱗臨長洲兮思古人魚來迎
兮鶴與吟惟秋鴻兮北以南志不可騁兮樂不可殫還
予舟於江皋兮吾將續先王之遺音

浮沅賦

明 張時徹

釋輶兮乘舲肅徒兮戒旅鼓榜兮擊汰橫橈兮樹羽鯨
鯢吼兮風颭颭鼉鼉鳴兮水搖曳天冥冥兮白日昏雪

飄飄兮雲之際層崖豁以豁
銛削壁矗而聳負洪流兮
湯湯白石兮齒齒高樹折兮
烏亂啼空谷震兮沱岸徙
俄轉瀨兮若奔忽赴曲兮彌
駛驟若驚飈赴若電熾柁
不及迴竿不及繫崩濤觸石
應聲輒碎舟子愕兮色喪
僕夫慄兮神悸於是祈宓妃
禱玄帝禳天吳詛屏翳裂
衣袒施斧剖塗孔鐫琢齟齬
旋既脗兮復離乍將固兮
忽弛睇羲和之寢曜懼陽侯
之繁崇命舫舟以改載泝
明月而東逝雖禍福之有定
孰行險而不躓

臨渦賦

有序

魏文帝

建安八年至譙余兄弟從上拜墳墓遂乘馬游觀經東國遵渦水相羊乎樹下駐馬書鞭作臨渦之賦曰

蔭高樹兮臨曲渦微風起兮水增波魚頡頏兮鳥逶迤雌雄鳴兮聲相和萍藻生兮散莖柯春木繁兮發丹華

臨川賦

晉應貞

陟餘岡之迢邈臨窈谷之濬遐覽丹源之冽泉眷懸流之清波漱玄瀨而漾沚順黃崖而蕩搏激重巖之絕根

拂崇丘之飛甍然後陰渠洞出邊澮旁開條燭高騫皓
暄長懷盤溢鬱沒雲轉飈迴屏側為之飛隕壁岸為之
陂隤列以青林蔭以綠枝檉松蒨葺於其側楊柳婀娜
乎其下水則高溜承崖懸泉屬嶺別流分注冰瑩玉靜
清波引鏡形無遁影

御定歷代賦彙卷二十六